

SLUŽBENI GLASNIK OPĆINE BREZA

Godina V Broj: 1

Breza, 03.03.2003.godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-481/03
Breza, 06.02.2003. godine

Na osnovu člana 42. Poslovnika o radu Općinskog vijeća Općine Breza ("Sl.glasnik Općine Breza", broj 9/99), Općinsko vijeće Breza, na sjednici održanoj dana 27.02.2003. godine, d o n o s i

PROGRAM RADA **Općinskog vijeća Općine Breza za 2003. godinu**

A) OPĆE ODREDBE

Nadležnost, djelokrug rada, prava, obaveze Općinskog vijeća utvrđena su Ustavom Federacije Bosne i Hercegovine, Ustavom ZE-DO kantona, Zakonom o lokalnoj samoupravi, Statutom Općine Breza i Poslovníkom o radu Općinskog vijeća Općine Breza.

Programom rada Općinskog vijeća utvrđuju se poslovi i zadaci Vijeća, njihov osnovni sadržaj i način izvršavanja. U izradi Programa rada Općinskog vijeća pošlo se od Programa rada Općinskog načelnika.

B) TEMATSKI DIO

I - STUDIJSKO ANALITIČKI POSLOVI:

1. Program rada Općinskog vijeća Općine Breza za 2003. godinu.
NOSILAC ZADATKA: Predsjedavajući Općinskog vijeća,
Sekretar Općinskog vijeća i predsjednici klubova,
vijećnika i predsjednici radnih tijela Općin.vijeća (komisije).

R O K: februar 2003.godine.

2. Program rješavanja uzurpacija i zaštita državnog zemljišta od novog bespravnog zauzimanja.
NOSIOCI ZADATKA: Stručni saradnici i šef službe za prostorno uređenje,
Rok: maj 2003. godine
3. Program uređenja građevinskog zemljišta
NOSIOCI ZADATKA: Stručni saradnik za građevinarstvo i
 stručni saradnik za prostorno uređenje,
ROK: maj 2003. godine.
4. Program postavljanja garaža
NOSILAC ZADATKA: Stručni saradnik za prostorno uređenje
 i šef Službe
ROK: maj 2003. godine.
5. Program obavljanja komunalnih usluga zajedničke komunalne potrošnje.
NOSILAC ZADATKA: Služba za prostorno uređenje, zaštitu okolice,
 geodetske i imovinsko-pravne poslove,
R O K: april 2003. godine.
6. Program pripreme i održavanja kulturnih, zabavnih i sportskih manifestacija, koje se planiraju organizirati u 2003.godini od strane Općine Breza.
NOSILAC ZADATKA: Općinski načelnik.
R O K: mart 2003. godine.
7. Šestomjesečni izvještaj Općinskog načelnika o provođenju općinske politike, izvršavanju općinskih propisa i drugih poslova iz svoje nadležnosti.
NOSILAC ZADATKA: Općinski načelnik
R O K: juli 2003.godine
8. Izvještaj o radu Općinskog suda za prekršaje Breza za 2002. godinu.
NOSILAC ZADATKA: Predsjednik suda za prekršaje.
R O K: april 2003. godine.
9. Izvještaj o održanoj kulturno-zabavnoj i sportskoj manifestaciji "BAZENIJADA 2003.godine".
NOSILAC ZADATKA: Općinski načelnik.
ROK: oktobar 2003. godine.
10. Donošenje Odluke o načinu upravljanja Sportsko-rekreacionim centrom "ADA" Breza.
NOSILAC ZADATKA: Općinski načelnik,
 Služba za prostorno uređenje
R O K: mart 2003. godine.
11. Informacija o stanju privrede i provedene privatizacije na području Općine Breza.
NOSILAC ZADATKA: Služba za privredu, obnovu i razvoj.
R O K: Stalan zadatak.

12. Informacija o izvršenju rješenja o imovinsko-pravnim odnosima za izgradnju puteva na području Općine Breza.
NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove.
R O K: septembar 2003. godine.
13. Informacija o rješavanju pitanja vodosnabdijevanja na području Općine Breza, te zauzimanje stavova smjernica i po potrebi donošenje Konkretnih akata u vezi realizacije projekta vodosnabdijevanja.
NOSILAC ZADATKA: Općinski načelnik i Služba za privredu, obnovu i razvoj.
R O K: Stalan zadatak.
14. Informacija o egzistiranju izbjegličkog kampa Smrekovica i o rokovima trajanja istog na lokalitetu Smrekovica.
NOSILAC ZADATKA: Općinski načelnik u saradnji sa UNHCR-om sa sjedištem u Sarajevu i Ministarstvom za ljudska prava i izbjeglice Bosne i Hercegovine.
R O K: Stalan zadatak.
15. Završni račun o izvršenju Budžeta.
NOSILAC ZADATKA: Općinski načelnik u saradnji sa Službom za opću upravu i finansije.
R O K: mart 2003. godine.
16. Informacija o realizaciji zaključaka Općinskog vijeća Breza.
NOSILAC ZADATKA: Stručna služba Općinskog vijeća.
ROK: šestomjesečni izvještaj.

II - NORMATIVNO-PRAVNI POSLOVI

1. Odluka o izmjenama i dopunama Statuta Općine Breza.
U skladu sa donošenjem nove regulative po donošenju Amandmana na Ustav Federacije i Ustav ZE-DO kantona.
NOSILAC ZADATKA: Stručna služba Općinskog vijeća.
R O K : po usvajanju Amandmana.
2. Odluka o usvajanju i provođenju izmjena i dopuna Prostornog plana
- Nosilac zadatka: Stručni saradnik za prostorno uređenje, zaštitu okolice i šef Službe.
ROK: (Po davanju saglasnosti nadležnih ministarstava).
3. Odluka o usvajanju i provođenju izmjena i dopuna Urbanističkog plana
- Nosilac zadatka: Stručni saradnik za prostorno uređenje, zaštitu okolice i šef Službe.
- ROK: (Po davanju saglasnosti nadležnih ministarstava).
4. Odluka o prenosu prava korištenja i upravljanja nad vodoprivrednim objektima sa Općine Breza na JKP "Breza" iz Breze.
- Nosilac zadatka: Služba za privredu, obnovu i razvoj.
- Rok: april 2003. godine.

5. Odluka o izmjenama i dopunama Odluke o građevinskom zemljištu
 - Nosilac zadatka: Stručni saradnik za promet nepokretnosti, katastar nekretnina i eksproprijacije, mlađi samostalni referent za uzurpacije, građevinsko, poljoprivredno i šumsko zemljište i šef Službe.
 - Rok: mart 2003. godine.
6. Odluka o određivanju procenta za utvrđivanje naknade za 1 m² građevinskog zemljišta u državnoj svojini koje se preuzima od ranijeg vlasnika.
 - Nosilac zadatka: Stručni saradnik za promet nepokretnosti, katastar nekretnina i eksproprijacije,
 - Rok: april 2003. godine.
7. Odluka o određivanju područja i uslova pod kojim se vrši umanjeње tržišne cijene eksproprijisanog poljoprivrednog zemljišta za 2003. godinu
 - Nosilac zadatka: Stručni saradnik za promet nepokretnosti, katastar nekretnina i eksproprijacije,
 - Rok: mart 2003. godine.
8. Odluka o visini naknade za nepriznata uzurpirana zemljišta.
 - Nosilac zadatka: Stručni saradnik za uzurpacije, građevinsko, poljoprivredno i šumsko zemljište.
 - Rok: mart 2003. godine
9. Odluka o vrijednosti 1 m² stambenog prostora na općini Breza.
 - Nosilac zadatka: Stručni saradnik za građevinarstvo i šef Službe.
 - Rok: april 2003. godine.
10. Odluka o izmjeni Odluke o zauzimanju javnih površina na Općini Breza
 - Nosilac zadatka: Mlađi ferent za stambeno-komunalnu oblast i šef službe.
 - Rok: april 2003. godine.
11. Zaključak o vrijednosti boda za utvrđivanje komunalne naknade za 2003. godinu.
 - Nosilac zadatka: Stručni saradnik za građevinarstvo.
 - Rok: mart 2003. godine.

III - UPRAVNO-NADZORNI POSLOVI

1. Izvještaj o radu upravnih odbora javnih preduzeća i javnih ustanova osnovanih od strane Općinskog vijeća Breza, i poslovanje istih.
NOSILAC ZADATKA: predsjednici Upravnih odbora javnih preduzeća
I ustanova.
R O K: april 2003. godine.

IV - STRUČNO-OPERATIVNI POSLOVI

1. Preporuka o saradnji Općinskog vijeća Breza sa drugim Općinskim vijećima susjednih općina, u cilju rješavanja zajedničkih problema.

2. Preporuka vezana za realizaciju ustavne mogućnosti prijenosa kantonalnih ovlaštenja na općine.
3. Preporuka kojom se ukazuje na značaj obrazovanja kao bitnog faktora za razvoj Općine.
4. Preporuka vezana za unapređenje razvoja poljoprivrede na području Općine Breza.
5. Preporuka kojom se ukazuje na potrebu oživljavanja rada kulturno-umjetničkih društava na području Općine Breza.
6. Preporuka vezana za unapređenje rada amatersko-sportskih društava.
7. Preporuka o saradnji sa udruženjima građana, u cilju poboljšanja rada istih.
8. Pokretanje i razmatranje inicijativa pokrenutih od strane nadležnih općinskih službi, udruženja građana mjesnih zajednica koje se odnose na poboljšanju uslova života (infrastruktura, školstvo, zdravstvo, komunalije i dr.).

V - OSTALI POSLOVI

1. Izdavanje potrebnih saglasnosti na akte predviđene zakonom i drugim propisima.
NOSILAC ZADATKA: Općinsko vijeće.
R O K: po potrebi.

NAPOMENA: Ovaj Program je sačinjen, detaljno sagledavajući sve predviđene aktivnosti općinskog načelnika i Službi za upravu i djelokruga rada Općinskog vijeća Breza.

Ukoliko bude potrebe za donošenjem novih odluka, kao rezultatom potrebnih usklađivanja sa donošenjem novih zakona ili izmjena postojećih, izvršiće se neophodne dopune ovog Programa.

Općinsko vijeće će pored ovih redovnih poslova, ustanovljenih Statutom i Poslovníkom o radu Općinskog vijeća Breza, donositi odluke, rješenja, zaključke, naredbe, uputstva i preporuke, na prijedlog ovlaštenih predlagača, ukoliko se budu ukazivale takve situacije, te zauzimati stavove povodom rješavanja određene problematike iz djelokruga svoga rada.

PREDSJEDAVAJUĆI
Općinskog vijeća
Jakub Dinarević, s.r.

==

Na osnovu člana 25. stav 3. Zakona o vodama Zeničko-dobojskog kantona ("Službene novine Zeničko-dobojskog kantona", broj 8/00), člana 3. stav 3. Zakona o komunalnim djelatnostima ("Službeni list SRBiH", broj 20/90) i člana 27. i 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće na sjednici održanoj dana 27.02.2003. godine, d o n o s i

O D L U K U

o dopuni Odluke o prenosu prava korištenja i upravljanja na vodoprivrednim objektima sa Općine Breza na J.K.P. "Breza" iz Breze

Član 1.

U Odluci o prenosu prava korištenja i upravljanja na vodoprivrednim objektima sa Općine Breza na JKP "Breza" iz Breze ("Službeni glasnik Općine Breza", broj 4/02), u članu 1. poglavlje C, dodaje se tačka 14. koja glasi:

"Cjevovod Milkino vrelo - Breza - novi, sa pripadajućom opremom".

Član 2.

Iza člana 3. dodaju se novi članovi: član 4. i 5. koji glase:

"Član 4.

Objekat iz člana 1. poglavlje C tačka 14. izgrađen je u toku 1999. godine sredstvima kredita koji je uzela Općina Breza (Ugovor broj: 01/2-23-505/98).

Vrijednost objekta iz tačke 1. ove Odluke je 404.136,60 US \$, što će se uzeti kao osnovica za obračun amortizacije istog.

Član 5.

Sredstva za otplatu kredita osigurat će JKP "Breza" iz Breze iz cijene vode, a servisiranje duga vršit će se u skladu sa planom otplate kredita koji je sastavni dio Ugovora navedenog u tački 1. ove Odluke".

Član 3.

Član 4. postaje član 6. a član 5. postaje član 7.

Član 4.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-482/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

==

Na osnovu člana 12. stav 3. Zakona o komunalnim djelatnostima ("Službeni list SRBiH", broj 20/90), člana 27. i člana 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 27.02.2003. godine, d o n o s i

ODLUKU

**o dopuni Odluke o načinu obrazovanja cijena komunalnih proizvoda i usluga
individualne potrošnje**

Član 1.

U Odluci o načinu obrazovanja cijena komunalnih proizvoda i usluga individualne potrošnje ("Službeni glasnik Općine Breza", broj 8/02), u članu 2. dodaje se nova tačka 4. koja glasi:

"proizvodnja i distribucija toplote".

Član 2.

U članu 4. dodaje se nova tačka 4. koja glasi:

"Cijena proizvodnje i distribucije topline energije (grijanje i sanitarna voda), utvrđuje se posebno za sezonu grijanja i za ljetnu sezonu i diferencirano prema vrsti i namjeni prostora, a izražava se u konvertibilnim markama (KM) po metru kvadratnom (m^2) neto površine prostora koji se zagrijava, odnosno po količini isporučene toplotne energije, u mega vat časovima (KM/MGWh) ukoliko je sistem osposobljen za pojedinačno mjerenje isporučene toplotne energije".

Ukoliko je visina prostorija iznad 3 m ova cijena se uvećava najmanje za 30%.

Član 3.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-484/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

=====

Na osnovu člana 37. Zakona o prostornom uređenju ("Službene novine FBiH", broj 52/02) i člana 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 27.02.2003. godine, d o n o s i

O D L U K U

o ovlaštenju komisije za davanje stručnog mišljenja

Član 1.

OVLAŠĆUJE SE Služba za prostorno uređenje, zaštitu okolice, geodetske i imovinsko-pravne poslove da Općinskom vijeću Breza predloži stručnu komisiju za davanje stručnog mišljenja u postupku donošenja rješenja u urbanističkoj saglasnosti.

Član 2.

Komisija daje stručno mišljenje za:

- područja za koja se po važećim propisima i općinskim odlukama treba izraditi provedbena planska dokumentacija, (regulacioni plan ili urbanistički projekat),
- područja koja su pokrivena planom, a gdje je potrebno usaglašavanje planiranog i stvarnog stanja u prostoru.

Član 3.

Komisija je dužan provjeriti da li je zahtjev usaglašen sa dokumentima prostornog uređenja šireg područja, zakonima koji neposredno ili posredno uređuju odnose u prostoru i propisima donesenim na osnovu tih zakona.

Član 4.

Stručna ocjena treba da sadrži sve elemente neophodne za utvrđivanje urbanističko-tehničkih i drugih uslova izgradnje i korištenja građevine, odnosno vršenja drugih zahvata u prostoru.

Član 5.

Troškove pribavljanja stručnog mišljenja snosi investitor i dužan je uplatiti uz zahtjev za izdavanje urbanističke saglasnosti.

Član 6.

Općina će posebnim ugovorom regulisati odnose sa komisijom, a posebno cijene, uslove i rokove za davanje stručnog mišljenja.

Član 7.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-485/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

|||||

Na osnovu člana 47. i 48. stav 3. Zakona o građevinskom zemljištu ("Službeni list SRBiH", broj 34/86, 1/90, 29/90), i ("Službeni list RBiH", broj 3/93 i 13/94), člana 15. stav 1. tačka 4. Odluke o građevinskom zemljištu - Prečišćeni tekst ("Službeni glasnik Općine Breza", broj 3/02, 5/02, 6/02 i 7/02) i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 27.02.2003. godine, d o n o s i

RJEŠENJE

1. MEDŽLISU ISLAMSKJE ZAJEDNICE BREZA dodjeljuje se na korištenje radi građenja, neposrednom pogodbom, neizgrađeno gradsko građevinsko zemljište označeno kao k.č.br. 152/8, upisano u zk.ul.br. 860 k.o. Potkraj (s.p.), što odgovara

k.č.br. 1527/3 k.o. Mahala (n.p.), u površini od 64 m², u svrhu dogradnje minareta uz Mesdžid u naselju Kahve.

2. Naknada za dodjeljeno neizgrađeno gradsko građevinsko zemljište utvrđuje se u iznosu od 1.344,00 KM.

Navedeni iznos novi korisnik je dužan uplatiti u roku od 15 dana od dana prijema rješenja.

3. Po pravosnažnosti ovog rješenja Zemljišno-knjižni ured Općinskog suda u Brezi, na zahtjev novog korisnika izvršit će uknjižbu prava korištenja radi građenja na zemljištu iz tačke 1. dispozitiva u korist Medžlis Islamske zajednice Breza, sa dijelom 1/1.

O b r a z l o ž e n j e

Medžlis Islamske zajednice Breza obratio se Općinskom vijeću Breza putem Službe za prostorno uređenje, zaštitu okolice, geodetske i imovinsko-pravne poslove, zahtjevom za dodjelu neizgrađenog gradskog građevinskog zemljišta u svrhu dogradnje minareta uz već izgrađeni objekat Mesdžida u naselju Kahve.

Uz zahtjev su priložili: Urbanističku saglasnost br. 03/2-5-23-143/02 od 1.8.2002. godine i zemljišno-knjižni izvadak parcele označene kao k.č.br. 125/2 k.o. Potkraj, koja se vodi kao državna svojina, a na kojoj Odbor Islamske zajednice Breza ima pravo korištenja sa dijelom 1/1.

U provedenom postupku održana je usmena javna rasprava dana 8.1.2003. godine uz učešće vještaka - geometra i stranaka predstavnika Medžlisa Islamske zajednice Breza Sokić Halima i općinskog pravobranioca.

Takođe je izvršena identifikacija zemljišta opisanog u tački 1. dispozitiva ovog rješenja, te je konstatovano da se isto po starom premjeru vodi kao državna svojina sa pravom raspolaganja općine Breza, a po novom premjeru u katastarskom operatu se kao posjednik vodi Općina Breza.

U postupku je pribavljeno i mišljenje vještaka-urbaniste da je za dogradnju minareta uz objekat Mesdžida u naselju Kahve neophodno izvršiti proširenje građevinske parcele u širini od 2 m uz jugozapadnu granicu katastarske parcele.

Na održanoj usmenoj javnoj raspravi Općinski pravobranioc je izjavio da ne postoji smetnja da se zemljište iz tačke 1. ovog rješenja neposrednom pogodbom dodijeli Medžlisu Islamske zajednice Breza, te da se uknjiži pravo korištenja radi građenja u njegovu korist, uz novčanu naknadu, shodno članu 69. Zakona o građevinskom zemljištu i članu 43. stav 1. Odluke o građevinskom zemljištu.

Kako podnosilac zahtjeva ispunjava uslove iz člana 15. stav 1. tačka 4. Odluke o građevinskom zemljištu-Prečišćeni tekst ("Službeni glasnik Općine Breza", broj 3/02, 5/02, 6/02 i 7/02), za dodjelu gradskog građevinskog zemljišta neposrednom pogodbom, to je riješeno kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u "Službenom glasniku Općine Breza".

Broj: 01/1.02-487/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

==

Na osnovu člana 6. i 47. Zakona o građevinskom zemljištu ("Službeni list SRBiH", broj 34/86, 1/90 i 29/90) i ("Službeni list RBiH", broj 3/93 i 13/94), člana 14. Odluke o građevinskom zemljištu - Prečišćeni tekst ("Službeni glasnik Općine Breza", broj 3/02, 5/02, 6/02 i 7/02), i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 27.02.2003. godine, d o n o s i

R J E Š E N J E

1. **MARIĆ SEMIRU** sinu Fatmira iz Breze dodjeljuje se na korištenje radi građenja neizgrađeno gradsko građevinsko zemljište označeno kao k.č.br. 648/12 zv. "Gradilište" upisano u zk.ul.br. 1498 k.o. Smrekovica (s.p.), što odgovara k.č.br. 507/4 k.o. Breza (n.p.). u površini od 30 m², u svrhu izgradnje trajnog poslovnog objekta.

2. Naknada za dodijeljeno gradsko građevinsko zemljište iz tačke 1. ovog rješenja utvrđuje se u iznosu od 910,00 KM.

Navedeni iznos imenovani je dužan uplatiti u roku od 8 dana od dana prijema rješenja.

3. Po pravosnažnosti ovog rješenja Zemljišno-knjižni ured Općinskog suda Breza na zahtjev novog korisnika izvršit će uknjižbu prava korištenja radi građenja na zemljištu iz tačke 1. dispozitiva ovog rješenja u korist Marić Semira sina Fatmira iz Breze, sa dijelom 1/1.

O b r a z l o ž e n j e

Marić Semir iz Breze, podnio je Komisiji za sprovođenje konkursa za dodjelu neizgrađenog građevinskog zemljišta u državnom vlasništvu na trajno korištenje ponudu na konkurs u zakonskom roku za neizgrađeno gradsko građevinsko zemljište označeno kao k.č.br 648/12 k.o. Smrekovica (s.p.), što odgovara k.č.br. 507/4 k.o. Breza (n.p.), u površini od 30 m² u svrhu izgradnje trajnog poslovnog objekta.

Nakon provedenog postupka utvrđeno je da je Marić Semir iz Breze od ukupno dvije dostavljene ponude ponudio veću cijenu u iznosu od 910,00 KM.

Na osnovu naprijed izloženog, a shodno članu 32. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u "Službenom glasniku Općine Breza".

Broj: 01/1-02-488/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

=====

Na osnovu člana 6. i 47. Zakona o građevinskom zemljištu ("Službeni list SRBiH", broj 34/86, 1/90 i 29/90) i ("Službeni list RBiH", broj 3/93 i 13/94), člana 14. Odluke o građevinskom zemljištu - Prečišćeni tekst ("Službeni glasnik Općine Breza", broj 3/02, 5/02, 6/02 i 7/02), i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 27.02.2003. godine, d o n o s i

RJEŠENJE

1. **BAJRIĆ NAFIZU** sinu Salke iz Breze dodjeljuje se na korištenje radi građenja neizgrađeno gradsko građevinsko zemljište označeno kao k.č.br. 648/13 zv. "Gradilište" upisano u zk.ul.br. 1498 k.o. Smrekovica (s.p.), što odgovara k.č.br. 507/5 k.o. Breza (n.p.), u površini od 30 m², u svrhu izgradnje trajnog poslovnog objekta.

2. Naknada za dodijeljeno gradsko građevinsko zemljište iz tačke 1. ovog rješenja utvrđuje se u iznosu od 990,00 KM.

Navedeni iznos imenovani je dužan uplatiti u roku od 8 dana od dana prijema rješenja.

3. Po pravosnažnosti ovog rješenja Zemljišno-knjižni ured Općinskog suda Breza na zahtjev novog korisnika izvršit će uknjižbu prava korištenja radi građenja na zemljištu iz tačke 1. dispozitiva ovog rješenja u korist Bajrić Nafiza sina Salke iz Breze, sa dijelom 1/1.

Obrazloženje

Bajrić Nafiz iz Breze, podnio je Komisiji za sprovođenje konkursa za dodjelu neizgrađenog građevinskog zemljišta u državnom vlasništvu na trajno korištenje ponudu na ponovni konkurs u zakonskom roku za neizgrađeno gradsko građevinsko zemljište označeno kao k.č.br. 648/13 k.o. Smrekovica (s.p.), što odgovara k.č.br. 507/5 k.o. Breza (n.p.), u površini od 30 m² u svrhu izgradnje trajnog poslovnog objekta.

Nakon provedenog postupka utvrđeno je da je Bajrić Nafiz iz Breze od ukupno četiri dostavljene ponude ponudio veću cijenu u iznosu od 990,00 KM.

Na osnovu naprijed izloženog, a shodno članu 32. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u "Službenom glasniku Općine Breza".

Broj: 01/1-02-489/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

==

Na osnovu člana 6. i 47. Zakona o građevinskom zemljištu ("Službeni list SRBiH", broj 34/86, 1/90 i 29/90) i ("Službeni list RBiH", broj 3/93 i 13/94), člana 14. Odluke o građevinskom zemljištu - Prečišćeni tekst ("Službeni glasnik Općine Breza", broj 3/02, 5/02, 6/02 i 7/02), i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 27.02.2003. godine, d o n o s i

RJEŠENJE

1. **BAJRIĆ NAFIZU** sinu Salke iz Breze dodjeljuje se na korištenje radi građenja neizgrađeno gradsko građevinsko zemljište označeno kao k.č.br. 648/14 zv. "Gradilište" upisano u zk.ul.br. 1498 k.o. Smrekovica (s.p.), što odgovara k.č.br. 507/6 k.o. Breza (n.p.), u površini od 30 m², u svrhu izgradnje trajnog poslovnog objekta.

2. Naknada za dodijeljeno gradsko građevinsko zemljište iz tačke 1. ovog rješenja utvrđuje se u iznosu od 990,00 KM.

Navedeni iznos imenovani je dužan uplatiti u roku od 8 dana od dana prijema rješenja.

3. Po pravosnažnosti ovog rješenja Zemljišno-knjižni ured Općinskog suda Breza na zahtjev novog korisnika izvršit će uknjižbu prava korištenja radi građenja na zemljištu iz tačke 1. dispozitiva ovog rješenja u korist Bajrić Nafiza sina Salke iz Breze, sa dijelom 1/1.

Obrazloženje

Bajrić Nafiz iz Breze, podnio je Komisiji za sprovođenje konkursa za dodjelu neizgrađenog građevinskog zemljišta u državnom vlasništvu na trajno korištenje ponudu na ponovni konkurs u zakonskom roku za neizgrađeno gradsko građevinsko zemljište označeno kao k.č.br. 648/14 k.o. Smrekovica (s.p.), što odgovara k.č.br. 507/6 k.o. Breza (n.p.), u površini od 30 m² u svrhu izgradnje trajnog poslovnog objekta.

Nakon provedenog postupka utvrđeno je da je Bajrić Nafiz iz Breze od ukupno dvije dostavljene ponude ponudio veću cijenu u iznosu od 990,00 KM.

Na osnovu naprijed izloženog, a shodno članu 32. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u "Službenom glasniku Općine Breza".

Broj: 01/1-02-490/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

=====

Na osnovu člana 6. i 47. Zakona o građevinskom zemljištu ("Službeni list SRBiH", broj 34/86, 1/90 i 29/90) i ("Službeni list RBiH", broj 3/93 i 13/94), člana 14. Odluke o građevinskom zemljištu - Prečišćeni tekst ("Službeni glasnik Općine Breza", broj 3/02, 5/02, 6/02 i 7/02), i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 27.02.2003. godine, d o n o s i

RJEŠENJE

1. **BAJRIĆ NAFIZU** sinu Salke iz Breze dodjeljuje se na korištenje radi građenja neizgrađeno gradsko građevinsko zemljište označeno kao k.č.br. 648/15 zv. "Gradilište" upisano u zk.ul.br. 1498 k.o. Smrekovica (s.p.), što odgovara k.č.br. 507/7 k.o. Breza (n.p.), u površini od 30 m², u svrhu izgradnje trajnog poslovnog objekta.

2. Naknada za dodijeljeno gradsko građevinsko zemljište iz tačke 1. ovog rješenja u iznosu od 990,00 KM.

Navedeni iznos imenovani je dužan uplatiti u roku od 8 dana od dana prijema rješenja.

3. Po pravosnažnosti ovog rješenja Zemljišno-knjižni ured Općinskog suda Breza na zahtjev novog korisnika izvršit će uknjižbu prava korištenja radi građenja na zemljištu iz tačke 1. dispozitiva ovog rješenja u korist Bajrić Nafiza sina Salke iz Breze, sa dijelom 1/1.

Obrazloženje

Bajrić Nafiz iz Breze, podnio je Komisiji za sprovođenje konkursa za dodjelu neizgrađenog građevinskog zemljišta u državnom vlasništvu na trajno korištenje ponudu na ponovni konkurs u zakonskom roku za neizgrađeno gradsko građevinsko zemljište označeno kao k.č.br. 648/15 k.o. Smrekovica (s.p.), što odgovara k.č.br. 507/7 k.o. Breza (n.p.), u površini od 30 m² u svrhu izgradnje trajnog poslovnog objekta.

Nakon provedenog postupka utvrđeno je da je Bajrić Nafiz iz Breze od ukupno dvije dostavljene ponude ponudio veću cijenu u iznosu od 990,00 KM.

Na osnovu naprijed izloženog, a shodno članu 32. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u "Službenom glasniku Općine Breza".

Broj: 01/1-02-491/03
Breza, 27.02.2003. godine

PREDSJEDAVAJUĆI
Općinskog vijeća
Jakub Dinarević, s.r.

==

SADRŽAJ

1. Program rada Općinskog vijeća Općine Breza za 2003. godinu
6. Odluka o dopuni Odluke o prenosu prava korištenja i upravljanja na vodoprivrednim objektima sa Općine Breza na J.K.P. "Breza" iz Breze.
7. Odluka o dopuni Odluke o načinu obrazovanja cijena komunalnih proizvoda i usluga individualne potrošnje.
7. Odluka o ovlaštenju komisije za davanje stručnog mišljenja.
8. Rješenje o dodjeljivanju Medžlisu Islamske zajednice Breza gradsko građevinsko zemljište.
10. Rješenje o dodjeljivanju na korištenje radi građenja neizgrađeno gradsko građevinsko zemljište Marić Semiru.
11. Rješenje o dodjeljivanju na korištenje radi građenja neizgrađeno gradsko građevinsko zemljište Bajrić Nafizu.
12. Rješenje o dodjeljivanju na korištenje radi građenja neizgrađeno gradsko građevinsko zemljište Bajrić Nafizu.
12. Rješenje o dodjeljivanju na korištenje radi građenja neizgrađeno gradsko građevinsko zemljište Bajrić Nafizu.

Izdavač: Općina Breza, Stručna Služba Općinskog vijeća, Ulica ZAVNOBIH-a br.6.
telefon: 783-310, fax: 783-314.